

BIOGRAFIJA

Alvira Selimović Halilčević rođena je 02. januara 1982. godine.

Osnovnu školu i opću gimnaziju završila je u Živinicama. Pravni fakultet Univerziteta u Sarajevu završila je 2006. godine.

Nakon obavljenog pripravničkog staža položila je ispit općeg znanja za državne službenike u organima državne službe Federacije BiH 2008. godine u Agenciji za državnu službu Federacije BiH. Pravosudni ispit položila je 2011. godine u Federalnom ministarstvu pravde. Postdiplomski studij na Pravnom fakultetu Univerziteta u Tuzli završila je 2014. godine odbranom magistarskog rada pod nazivom „Katastarska evidencija kao podloga za uspostavu pravne evidencije nekretnina u Bosni i Hercegovini“, čime je stekla zvanje magistra društvenih nauka iz područja prava. Odbranom doktorske disertacije na temu „Državna imovina – normativni okvir za raspolaganje nekretninama u Bosni i Hercegovini“ 2024. godine je okončala doktorski studij na Pravnom fakultetu Univerziteta u Tuzli i stekla zvanje doktora društvenih nauka iz područja prava.

Obavljala je poslove kontrolora tačnosti unesenih zemljišnoknjižnih uložaka u Zemljišnoknjižnom uredu Općinskog suda u Živinicama, zatim poslove Stručnog saradnika za upravno rješavanje u Službi za geodetske i imovinsko-pravne poslove Grada Živinice od 2011. do 2020. godine. Od akademske 2014/2015. godine do akademske 2020/2021. godine bila je angažovana kao spoljni saradnik/stručnjak iz prakse na Pravnom fakultetu Univerziteta u Tuzli na predmetima Stvarno pravo, Građansko pravo, Evropsko ugovorno pravo i Razvoj instituta građanskog prava u EU. Na poziciju sudije u Općinskom sudu u Tuzli imenovana je 2020. godine. Odlukom Visokog sudskog i tužilačkog vijeća BiH imenovana je za vršioca dužnosti predsjednika Općinskog suda u Tuzli, koju dužnost obavlja od 06.10.2025. godine.

Objavila je sljedeće naučne/stručne radove: Evidencije nekretnina i aktualna reforma zemljišnoknjižnog prava u Federaciji BiH, Pravna misao, Federalno ministarstvo pravde, Sarajevo; Novo zemljišnoknjižno pravo Republike Srpske, Zbornik radova Pravnog fakulteta u Tuzli, Pravni fakultet Univerziteta u Tuzli; Baštine kao vrsta nekretnina i njihovo evidentiranje na prostoru Bosne i Hercegovine do Prvog svjetskog rata, Filozofski fakultet Univerziteta u Tuzli.